

Orémus.

Quæramus pietatem tuam, omnipotens Deus, ut has primitias creaturæ tuæ, quas aëris et pluviae temperamento nutrire dignatus es, benedictionis tuæ imbre perfundas, et fructus terræ tuæ usque ad maturitatem perducas. Tribue quoque populo tuo de tuis muneribus tibi semper gratias agere; ut a fertilitate terræ esuriëntium animas bonis omnibus affluentibus repleas, et egenus et pauper laudent nomen gloriæ tuæ. Per Christum Dominum nostrum. **R.** Amen.

Adspergat illas aqua benedicta.

CAPUT 11.

**Benedictio peregrinorum
ad loca sancta prodeuntium.**

Peregrini ad loca sancta profecturi, antequam discedant, juxta veteris Ecclesiæ institutum, debent accipere patentes seu commendatitias litteras a suo Ordinario, seu Parocho. Quibus obtentis, et rebus suis dispositis, facta peccatorum suorum confessione, et audita Missa, in qua dicitur Oratio pro Peregrinantibus, Ss. Eucharistiam devote suscipiant. Expleta Missa, Sacerdos super eos genuflexos dicit sequentes preces:

Antiphona. **In viam pacis.**

Canticum. **Benedictus.** (pag. 186) in fine **Glória Patri,** etc.

Repetitur Ant. **In viam pacis et prosperitatis dirigat vos omnipotens et misericors Dominus: et Angelus Raphaël comitetur vobiscum in via, ut cum pace, salute, et gaudio revertamini ad propria.**

Kýrie eléison. Christe eléison. Kýrie eléison. Pater noster. secreto.

V. Et ne nos inducas in tentationem.

R. Sed libera nos a malo.

V. Salvos fac servos tuos.
R. Deus meus, sperantes in te.
V. Mitte eis, Dómine, auxilium de sancto.
R. Et de Sion tuere eos.
V. Esto eis, Dómine, turris fortitudinis.
R. A facie inimici.
V. Nihil proficiat inimicus in eis.
R. Et filius iniquitatis non apponat nocere eis.
V. Benedictus Dóminus die quotidie.
R. Prósperum iter faciat vobis Deus salutarium nostrorum.
V. Vias tuas, Dómine, démonstra nobis.
R. Et sémitas tuas édoce nos.
V. Utinam dirigántur viæ nostræ.
R. Ad custodiéndas justificatiónes tuas.
V. Erunt prava in directa.
R. Et áspera in vias planas.
V. Angelis suis Deus mandávit de te.
R. Ut custódiant te in omnibus viis tuis.
V. Dómine, exáudi orationem meam.
R. Et clamor meus ad te véniat.
V. Dóminus vobiscum.
R. Et cum spíritu tuo.

Orémus.

Deus, qui filios Israël per maris médium sicco vestigio ire fecisti, quique tribus Magis iter ad te stella duce pandisti: tribue eis, quæsumus, iter prósperum, tempúsque tranquillum; ut Angelo tuo sancto cómite, ad eum, quo pergunt, locum, ac demum ad æternæ salutis portum feliciter váleant pervenire.

Deus, qui Abraham púerum tuum de Ur Chaldæorum eductum, per omnes suæ peregrinationis vias illæsum custodisti: quæsumus; ut hos famulos tuos custodire digneris; esto eis, Dómine,

in procinctu suffragium, in via solatium, in aestu umbraculum, in pluvia et frigore tegumentum, in lassitudine vehiculum, in adversitate praesidium, in lubrico baculus, in naufragio portus: ut te duce, quo tendunt, prospere perveniant, et demum incolumes ad propria revertantur.

Adesto, quaesumus Domine, supplicationibus nostris, et viam famulorum tuorum in salutis tuae prosperitate dispone: ut inter omnes viae et vitae hujus varietates, tuo semper protegantur auxilio.

Praesta, quaesumus, omnipotens Deus: ut familia tua per viam salutis incédant, et beati Joannis Praecursoris hortamenta sectando, ad eum, quem praedixit, secúra perveniat, Dominum nostrum Jesum Christum Filium tuum.

Exaudi, Domine, preces nostras, et iter famulorum tuorum propitius comitare, atque misericordiam tuam, sicut ubique es, ita ubique largire: quatenus a cunctis adversitatibus, tua opitulatione defensi, gratiarum tibi referant actionem. Per Christum Dominum nostrum. **R.** Amen.

Pax et benedictio ✠ Dei omnipotentis, Patris, et Filii et Spiritus sancti, descendat super vos, et maneat semper. Amen.

Deinde adspergantur aqua benedicta.

2. Quod si unus fuerit peregrinaturus, omnia dicantur in numero singulari: ac si Sacerdos ipse, qui benedicit, fuerit socius peregrinationis, dicat in persona prima numeri pluralis, quatenus congruere videbitur.

CAPUT 12.

Benedictio peregrinorum post reditum.

V. Adjutorium nostrum in nomine Domini.
R. Qui fecit caelum et terram.

Antiphona. Ecce sic benedicetur homo, qui timet Dominum.

Psalmus 127.

Beati omnes, qui timent Dominum, * qui ambulat in viis ejus.

Labores manuum tuarum quia manducabis: * beatus es, et bene tibi erit.

Uxor tua sicut vitis abundans, * in lateribus domus tuae.

Filii tui sicut novellae olivarum, * in circuitu mensae tuae.

Ecce sic benedicetur homo, * qui timet Dominum.

Benedicat tibi Dominus ex Sion: * et videas bona Jerusalem omnibus diebus vitae tuae.

Et videas filios filiorum tuorum, * pacem super Israel.

Gloria Patri.

Antiphona. Ecce sic benedicetur homo, qui timet Dominum.

Kyrie eleison. Christe eleison. **Kyrie eleison.**
Pater noster. secreto.

V. Et ne nos inducas in tentationem.

R. Sed libera nos a malo.

V. Benedicti, qui veniunt in nomine Domini.

R. Benedicti vos a Domino, qui fecit caelum et terram.

V. Respice, Domine, in servos tuos, et in opera tua.

R. Et dirige eos in viam mandatorum tuorum.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oramus.

Bargire, quaesumus Domine, famulis tuis indulgentiam placatus et pacem: ut pariter ab omnibus mundentur offensis, et secúra tibi mente deserviant.

Omnipotens sempiternus Deus, nostrorum temporum, vitaeque dispositor, famulis tuis continuae

tranquillitatis largire subsidium: ut quos incólumes propriis labóribus reddidisti, tua fácias protectióne secúros.

Deus, humílium visitátor, qui nos fratérna dilectióne consoláris: præténde societáti nostræ grátiam tuam; ut per eos, in quibus hábitas, tuum in nobis sentiámus advéntum. Per Dóminum nostrum Jesum Christum, etc. **R.** Amen.

Deinde adspargantur aqua benedicta a Sacerdote, dicente:

Pax et benedictio ✠ Dei omnipoténtis, Patris, et Fílii, et Spíritus sancti, descéndat super vos, et máneat semper. Amen.

CAPUT 13.

BENEDICTIONES ESCULENTORUM

PRÆSERTIM IN PASCHA.

Benedictio agni paschalis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Deus, qui per fámulum tuum Móysen, in liberatióne pópuli tui de Ægýpto, agnum occídi jussisti in similitúdinem Dómini nostri Jesu Christi, et utrósque postes domórum de sanguine ejúsdem agni perúngi præcepisti: tu bene-✠ dicere, et sancti ✠ ficáre dignéris hanc creatúram carnis, quam nos fámuli tui ad laudem tuam súmere desiderámus; per resurrectiόνem ejúsdem Dómini nostri Jesu Christi: Qui tecum vivit et regnat in sæcula sæculórum. **R.** Amen.

Et mox adspargat aqua benedicta.

CAPUT 14.

Benedictio ovorum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spíritu tuo.

Orémus.

Subvéniat, quæsumus Dómine, tuæ benedictiόνis grátia, huic ovórum creatúre: ut cibus salúbris fiat fidélibus tuis, in tuárum gratiárum actióne suméntibus, ob resurrectiόνem Dómini nostri Jesu Christi: Qui tecum vivit et regnat in sæcula sæculórum. **R.** Amen.

Et adspargat aqua benedicta.

CAPUT 15.

Benedictio panis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spíritu tuo.

Orémus.

Dómine Jesu Christe, panis Angelórum, panis vivus æternæ vitæ, bene ✠ dicere dignáre panem istum, sicut benedixisti quinque panes in desérto: ut omnes ex eo gustántes, inde cörperis et ánimæ percípiant sanitátem. Qui vivis et regnas in sæcula sæculórum. **R.** Amen.

Et adspargat aqua benedicta.

CAPUT 16.

Alia benedictio panis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spíritu tuo.

Orémus.

Dómine sancte, Pater omnipotens, ætérne Deus, bene ✠ dicere dignéris hunc panem tua sancta spirituáli benedictióne: ut sit ómnibus suméntibus salus mentis et córporis; atque contra omnes morbos, et univérsas inimicórum insídias tutámen. Per Dóminum nostrum Jesum Christum Fílium tuum, panem vivum, qui de cœlo descéndit, et dat vitam et salutem mundo: et tecum vivit et regnat in unitáte Spíritus sancti Deus, per ómnia sæcula sæculórum. **R.** Amen. *Adspergatur aqua benedicta.*

CAPUT 17.

Benedictio novorum fructuum.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Benedic ✠ Dómine hos novos fructus **N.**, et præsta: ut qui ex eis in tuo sancto nómine vescéntur, córporis et ánimæ salúte potiántur. Per Christum Dóminum nostrum. **R.** Amen.

Et adspergantur aqua benedicta.

CAPUT 18.

Benedictio ad quodcumque comestibile.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Benedic ✠ Dómine creatúram istam **N.**, ut sit remédium salutáre géneri humano: et præsta per invocatióne sancti nóminis tui, ut quicumque ex ea sumpserint, córporis sanitátem, et ánimæ tutelám percípiant. Per Christum Dóminum nostrum. **R.** Amen. *Adspergat aqua benedicta.*

CAPUT 19.

Benedictio olei simplicis.

V. Adjutórium nostrum in nómine Dómini.
R. Qui fecit cœlum et terram.

Exorcismus.

Exorcízo te creatúra ólei per Deum Patrem ✠ omnipoténtem, qui fecit cœlum et terram, mare, et ómnia, quæ in eis sunt. Omnis virtus adversárii, omnis exércitus diabóli, et omnis incúrsus, omne phantásma sátanæ eradicáre, et effugáre ab hac creatúra ólei, ut fiat ómnibus, qui eo usúri sunt, salus mentis et córporis, in nómine Dei Patris ✠ omnipoténtis, et Jesu ✠ Christi Fílii ejus Dómini nostri, et Spíritus ✠ sancti Parácliti, et in caritáte ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. **R.** Amen.

V. Dómine, exaúdi oratióne meam.
R. Et clamor meus ad te véniat.
V. Dóminus vobíscum.
R. Et cum spíritu tuo.

Orémus.

Dómine Deus omnipotens, cui adstat exércitus Angelórum cum tremóre, quorum servítium spirituále cognóscitur, dignáre respícere, bene ✠ dicere, et sancti ✠ ficáre hanc creatúram ólei, quam ex olivárum succo eduxísti, et ex eo infirmos inúngi mandásti, quátenus sanitáte percépta, tibi Deo vivo et vero grátias ágerent; præsta, quæsumus, ut hi, qui hoc óleo, quod in tuo nómine bene ✠ dicimus, usi fúerint, ab omni languóre, omnique infirmitáte, atque cunctis insídiis inimíci liberéntur, et cunctæ adversitátes separéntur a plásmate tuo, quod pretiósó sáanguine Fílii tui redemísti, ut

numquam lædatur a morsu antiqui serpentis. Per eundem Dominum nostrum Jesum Christum Filium tuum: qui tecum vivit, etc. *R.* Amen.

Adspergat oleum aqua benedicta.

CAPUT 20.

BENEDICTIONES AB EPISCOPIIS

VEL ALIIS FACULTATEM HABENTIBUS FACIENDÆ.

**Benedictio sacerdotalium indumentorum
in genere.**

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Quoniam omnipotens sempiternus Deus, qui per Moysen famulum tuum pontificalia, et sacerdotalia, seu levitica vestimenta, ad explendum in conspectu tuo ministerium eorum, ad honorem et decorem nominis tui fieri decrevisti: adesto propitius invocationibus nostris: et hæc indumenta sacerdotalia, desuper irrigante gratia tua, ingenti benedictione per nostræ humilitatis servitium purificare, bene dicere, et consecrare digneris: ut divinis cultibus et sacris mysteriis apta et benedicta existant: his quoque sacris vestibus Pontifices, et Sacerdotes, seu Levitæ tui induti, ab omnibus impulsionebus, seu tentationibus malignorum spirituum muniti et defensi esse mereantur; tuisque mysteriis apte et condigne servire et inhærere, atque in his tibi placite et devôte perseverare tribue. Per Christum Dominum nostrum.

R. Amen.

Orémus.

Deus, invictæ virtutis triumphator, et omnium rerum creator ac sanctificator: intende propitius preces nostras: et hæc indumenta leviticæ, sacerdotalis, et pontificalis gloriæ, ministris tuis fructuosa, tuo ore proprio bene dicere, sanctificare, et consecrare digneris: omnisque eis utentes, tuis mysteriis aptos, et tibi in eis devôte ac laudabiliter serviētes, gratos efficere digneris. Per Dominum nostrum, etc. *R.* Amen.

Orémus.

Domine Deus omnipotens, qui vestimenta Pontificibus, Sacerdotibus, et Levitis in usum tabernaculi fœderis necessaria, Moysen famulum tuum agere jussisti, eumque spiritu sapientiæ ad id peragendum replevisti: hæc vestimenta in usum et cultum mysterii tui bene dicere, sanctificare, et consecrare digneris; atque ministros Altaris tui, qui ea induerint, septiformis Spiritus gratia dignanter repleri, atque castitatis stola, beata facias, cum bonorum fructu operum, ministerii congruentis immortalitate vestiri. Per Christum Dominum nostrum. *R.* Amen.

Deinde adspergit ipsa indumenta aqua benedicta.

CAPUT 21.

Benedictio Mapparum

sive Linteaminum Altaris.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum. *R.* Et cum spiritu tuo.

Orémus.

Axaudi, Domine, preces nostras: et hæc linteamina sacri Altaris usui præparata, benedicere, et sanctificare digneris. Per Christum Dominum nostrum. *R.* Amen.

Orémus.

Dómine Deus omnípotens, qui Móysen fámulum tuum, ornáménta et linteámina fácere per quadragínta dies docuísti: quæ étiam María téxuit, et fecit in usum ministérii, et tabernáculi fœderis; bene ✠ dícere, sancti ✠ ficáre, et conse ✠ cráre dignéris hæc linteámina ad tegéndum, involvendúmque Altáre gloriosíssimi Fílii tui Dómini nostri Jesu Christi: Qui tecum vivit, etc. **R.** Amen.

Deinde adspergat aqua benedicta.

CAPUT 22.

Benedictio Corporalium.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírítu tuo.

Orémus.

Clementíssime Dómine, cujus inenarrábilis est virtus, cujus mystéria arcánis mirábilibus celebrántur: tríbue, quæsumus; ut hoc linteámen tuæ propitiatiónis bene ✠ dictione sanctificétur ad consecrándum super illud corpus et sánguinem Dei, et Dómini nostri Jesu Christi Fílii tui: Qui tecum vivit et regnat, etc. **R.** Amen.

Orémus.

Omnípotens sempitérne Deus, bene ✠ dícere, sancti ✠ ficáre, et conse ✠ cráre dignéris linteámen istud ad tegéndum, involvendúmque corpus et sánguinem Dómini nostri Jesu Christi Fílii tui: Qui tecum vivit et regnat, etc. **R.** Amen.

Orémus.

Omnípotens Deus, mánibus nostris opem tuæ benedictiónis infúnde: ut per nostram bene ✠ dictionem hoc linteámen sanctificétur, et córporis

ac sánguinis Redemptóris nostri novum sudárium, Spírítus sancti grátia efficiátur. Per eúndem Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spírítus sancti Deus, per ómnia sácula sæculórum.

R. Amen. Et adspergat aqua benedicta.

CAPUT 23.

**Benedictio Tabernaculi
seu Vasculi pro sacrosancta Eucharistia
conservanda.**

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírítu tuo.

Orémus.

Omnípotens sempitérne Deus, majestátem tuam súpplices deprecámur: ut vásculum hoc pro córpore Fílii tui Dómini nostri Jesu Christi in eo condéndo fabricátum, bene ✠ dictionis tuæ grátia dicáre dignéris. Per eúndem Dóminum nostrum Jesum Christum etc. **R.** Amen.

Et adspergit illud aqua benedicta.

CAPUT 24.

Benedictio novæ Crucis.

V. Adjutórium nostrum in nómine Dómini.

R. Qui fecit cœlum et terram.

V. Dómine, exáudi oratióne meam.

R. Et clamor meus ad te véniat.

V. Dóminus vobíscum. **R.** Et cum spírítu tuo.

Orémus.

Rogámus te, Dómine sancte, Pater omnípotens, ætérne Deus: ut dignéris bene ✠ dícere hoc signum crucis tuæ, ut sit remédium salutáre géneri